

進士出身奉直大夫知華州事

蒲坂 馮昌安 職正

同知 歙 蒲 雍 城

判官 瀋陽 胡 觀 賓

學正 關南 張 拱 同 許

東崖山人劉遇奇續次

地理志

歷代攷 補遺

沿革表 仍

續華州志卷之一

疆域述 有說補四十一里 界 界

山川攷 補遺

陵墓攷 補遺

建置志

郡制攷 補遺

古蹟攷 增入

辯譌攷 增入

宮室攷 增入

官師志 補遺

輿地志 補遺



風俗攷補遺

田賦志依制

大中丞鄂公肇興水利開種稻田記補遺州誌附載

物產述補遺

省鑒志補遺

藝文志補遺

明御製文

皇清御製文

古今人詩集補遺 古今人碑刻補遺

官師列傳

續華州志

獻臣傳補遺

良吏傳補遺

人物列傳

大臣傳補遺

名將傳補遺

名臣傳補遺

孝子傳補遺

烈義述增入

烈女傳增入

賢裔傳補遺

馳封致補遺

流寓致增入

郡賢傳補遺

科貢致補遺

例貢述

入官致補遺

博善述補遺

文苑致補遺

大德傳補遺

隱逸致補遺

續華州志卷之二

三

總制殷都院濬河記畧

西安府華州知州謝白生爲蒙恩力除水患遵
諭開種稻田謹脩述原委詳請 憲鑒祈准載
入誌書永福窮黎事竊惟興利除害勝筭仰恃
元臣因地制宜偉績爰垂奕世伏按華州幅幘狹
小民皆力穡州轄有構峪河從南山發源合華
陰之方山河由古漕河逶東至北歸渭順水之
性相地之宜由來尚矣明季崇禎年間遭遭渭
水泛溢古漕河壅塞從東衝擊成河名曰天開
州縣各築河堤恃以無恐故道爲之小變暨順
治十四年間華令有代州篆林姓者又將東北
天開河口堵塞另開新渠東水北流故道爲之
大變夫二華邊界莫非赤子柳子廣閩等九里
地處低窪遠因之多水患矣廬舍時付波臣膏
壤悉成魚窟 國賦民命兩無所依疇爲作備
其貽害至此哉延至康熙四十年三月內查
州民將相等里縣民托定等里因水害互告各
憲經護理潼商道事撫民廳楊踏勘被淹田地
詳內所稱分黃家河之水勢循沙河之舊形構
峪之水仍從方山入渭議非不善然處置猶未
盡宜甫開三月而九里復有渭流倒灌之控功

奏成而輒止矣四十一年二月內又經陞任漕
商道金親臨踏勘議以泰山河身河口狹淺又
委員挑濬焉是案也害非一日控非一次勘非
一官豈果無良法補救哉實由人力可施天時
難料霖雨大作卽成巨浸斷不能與河伯爭勝
也獨是天下非常之事非常之功必待非常之
人故千古疏鑿之勳統歸神禹四十年冬月恭
遇

憲臺晉節開府憂樂同民飢溺由已轉飭前任毛
牧彙列各河原委繪圖呈覽復令清查各里被

續華州志

二

淹田地造冊申報嗣因毛牧陞任署州不及覆
查畢職於康熙四十一年七月內履任先因六
月間大雨纏綿州縣風嫌未釋縣控州民盜決
水口州控縣民科傷禾田先後奔懇

憲臺轉行會訊至四十二年正月卑職會同陞任
華陰張令查勘詳報謬附導河二策一議仍順
水性東流買地認糧因勢達渭爲功較難且費
彼此無害一議就現在北開之河從方山挑濬
而北務使河身深廣州縣分築東西堤岸加高
培厚爲功較易但恐僅救目前漫以二議錄

申請進侯批奪間當經潼商道轉請俯從次議
復蒙 憲天勤恤民隱不辭勞瘁親行閱視履
畝踏勘旱職面受方畧暢開方山河口由孫左
而北直達渭河河身挑濬深廣兩岸培築高厚
俾構塔方山二河之水得以暢流歸渭仍恐渭
水倒灌又起爭端慨發俸金三百兩建閘以資
蓄洩數十年水患始慶安瀾州縣萬民立碑稱
頌不啻過河洛而思明德也開物成務實聖賢
之經綸參贊化育爲中和之極致弘功駿烈豈
不偉歟然水患雖除水利未興將來爭訟猶所
不免荷

續華州志

憲臺思深慮遠破積久之習啟無窮之利以五穀
各有所宜菽麥喜高燥而稻禾愛下濕柳子等
里旣處低窪決宜改種稻禾順天之時盡地之
利因民之力面諭早職曲爲勸諭開種稻田因
是冬伺候

皇差倥偬莫及至四十三年春月早職布宣 上意
脩悉耕種之方稻禾之益收利倍勝旱地奈小
民難于慮始疑畏不前早職屢詣開導諄諄訓
誨諭以開種後如有利則盡歸百姓賦不加增

設有害則罪歸有司賦其貲納百姓始倉然
命四十三四兩年俱獲豐收歲增穀數千石米
粒圓大香美更勝他產

憲臺三過華州九里百姓焚香叩迎歡呼載道頂
頌勸諭之功是其明驗也今秋雖霖雨過多連
旬晴霽穎粟在望可以預卜有年向之民多逋
賦者今則室有餘糧矣向之流亡相繼者今則
俯仰寬然矣向之訐訟不休以隣為敵國者今
則洽比言歡各安耕鑿矣

憲臺功在社稷利歸黎庶治安遠猷直與華岳同

續華州志

四

峻渭流比深卑職奉令承教身任地方亦得以
少盡其責為幸按毛牧冊開九里受災地畝有
久晴則乾遇雨皆水而有種無收者計地二十
四頃八十畝有零今陸續開闢水田八頃五十
四畝有零又有半乾半濕似可暫行播種而究
歸烏有者計地五十一頃九十三畝有零今陸
續開闢水田十六頃三十畝有零有經年累月
永為魚鱉之鄉而耕耨竟無可施者計地五十
九頃七十八畝有零今陸續開闢水田七頃六
十畝有零原報共一百三十六頃五十一畝零

卑職三年宣諭漸次開種總計水田共三十二
頃四十四畝有零每年所收稻穀不下萬石其
餘或多種高粱或仍種黍稷至水勢過深耕耨
難施者栽種葦子九里水陂俱成腴壤野無曠
土萬姓耕田而食鼓腹而歌莫不曰此
鄂大老爺勸諭之功利我身家利我子孫世世難
忘者也嗣後有司奉行罔倦比屋勤勤有加每
年春夏之交疏濬以時灌洩有藉而且多爲清
流以通之時深儆覺以醒之彼此交勸廣行開
種不出數稔坐致豐盈

續華州志

五

憲臺造福一方寧有涯涘類而推之他處仰體
盛意效法

成模則全陝同風不依然富饒甲天下哉念此
事原委脩費經營賴

憲天再三申諭再三開陳而乃獲此成效非載之
誌書傳諸不朽則良法美意後人何所稟式謹
將先後始末緣由臚列詳報統候

憲鑒俯賞以制作之弘才揮錦繡之特筆賜一記
序列入華州誌內垂之永久俾後世人民知有
法守則鴻恩與天地無窮盛德並乾坤永久矣

此今將前由另脩書冊理合具文申請伏乞
詳施行須至申者

康熙四十五年八月初十日蒙批

據詳構峪河築堤建閘已慶安瀾開種稻田野
無曠土居民樂利坐致豐盈等語如詳即照來
記載入州誌可也

入中丞鄂公肇興水利開種稻
欽惟

望天子勤恤民隱軫念河工

簡重臣授方畧親蒞河上而指示之不惜數百萬金
錢務期平成底績卽畿內天津數處備作水
患移南人之善水者教北人以治法俾沮澤化
為膏腴斥鹵變為繡野蓋為農田水利深且遠
也康熙四十二年冬

鑿駕西巡入閔日親康阜知我

中丞鄂公真社稷臣雖金甌待卜而秦疆重地非

續華州志

公不可民亦惟恐公內懼不啻借寇也者公
公分陝十年餘無事不以斯民為己任法

實政難以悉述獨于農由水利一事不惟勞心

兼勞力不惟為一時計必為萬世計也我公于

八水受條受理悉致安瀾而華水尤有心必

率者華郡西城外有小石橋水受石堤塔西漢

諸水以匯天鵝池而成以流有石橋鋪河出自

石堤塔有過仙橋河出自喬塔有赤水河出

鄴渭南縣矣郡之東有太平橋河與西方諸

雁于天鵝池巨壑為三十餘里而流漲

滋甚有羅紋河出自小縣始有柳子溝終河
方山河東鄰華陰與蒲州界郡東西界兩縣
五六十里南山距渭溪十數里水源俱發于南
山勢寔而猛渭身高于南岸况西隅高而東就
下數爲民害漢唐漕渠久已湮沒閔有明數百
年間曲防盜決法立弊生官民交困天時地利
力挽無策民其魚而田其沼播遷流離圖有不
能繪者匪伊朝夕無感乎訟端之日滋也我
公目擊時艱躬歷而熟察之按形相勢爲之籌畫
籌洩曰某防旱某防澇不寧惟是官路迤北水

續華州志

二

藪居多因聚父老子弟而諄屬曰哀我人斯徒
知水害而不知水利蓋卽所爲蓄之洩之者而
稍是種子民于是相率播種及納稼時一畝有
三四石之獲一歲有萬餘石之稻米價貴于麥
價荒田半成良田賦稅供室家裕矣柳子廣潤
等九里民人嘗相慶而志曰前牧原報水災地
共一百三十六頃五十一畝零今華牧謝恪襄
憲諭寢食不遑開墾水田共三十二頃四十四畝
零其餘或多種高粱或仍種黍稷至水勢過深
耕耨難施者栽柳樹種荻葦漸次蓄蓄廣

桑之虞自四十三年以迄今四十五年秋雖多霖雨而嘉禾滿目可卜有年皆公之思患而防者豫故民之享利而樂者溥也道有謠者曰華水爲害萬族一空種稻而食

開府之功于是鏤于心者爭鏤于石而我公尤不任德以爲宇宙內事皆吾分內事蓋爲萬世計久大也除利中之弊且興弊中之利以視鄭當時宇文愷姜師度樊忱諸人不過疏濬通漕云爾較之白公鄭國亦不過開渠灌田云爾而我公種稻施教則實創千古未有之奇即起

續華州志

三

史遷賈讓于今日亦聞風而心折矣我州牧謝曲體 憲臺體

君父之心以鼓舞水利良由我公褒獎循牧以爲上爲德爲下爲民故司牧者亦竭心力而成溝洫畝澮之功凡我華人何脩而際周召之元老與龔黃之循良哉諸人士動色而告慶曰賴子筆以續入郡乘乘猶史也異日新志上

聞丕嘉乃績采錄國乘爲法于奕禩克紹司空明德焉且聞我公續脩秦中通志恭紀

西巡以來過化存神請與秦中得以年登歲稔咏太

平忘帝力猗歟盛矣民載歌矣鼓腹而擊缶曰
主聖臣賢一德咸有大法小廉一體相守厥功浩大
天壤不朽僉議將再鐫豐碑慶愧林下遺史叨
庇華封之內不辭蕪陋爰拜首而爲之記
康熙丙戌仲秋涪州郡人張曾慶頓首拜撰

一釋名四十一里恐習矣而不察也卽有未詳不妨闕焉如或名以山以水以人以古蹟以地理以姓氏一一釐之區別明分如指諸掌執古可以御今循名可以覈實也舍是則貿貿焉莫知其義矣

一補遺舊志或限於見聞所不及其所未載者今搜諸他書別傳竊取以補之使讀者可攷而知也一言一行敢湮沒弗傳哉

一考古蹟志已詳言之但歷經變更新置堡砦於

續華州志卷之一

四

此弗詳恐後之溷而泯其跡

一詳州制使門關有攷間巷有名或興或廢或存或亡後此者可按圖而會其義也

一辯譌或因土音之失其實或因考覈之略其事相傳弗真千載下終爲疑跡今詳辯之可令人人共懌然矣

一增流寓見前賢發跡之奇締造艱難使後之子孫披覽攷詳知有所本源云

一增宮室華爲關中勝地古稱棧林山川園林於隣境舊志雖收於山川攷中今續志無遺

入是以依大明一統志目另列其說而或有疑
業山房芳園曲榭何非諸勝之區佳景之麗邪
一附汛防關中咽喉華爲要地况在苻之豪士不
無出沒而欲求雞犬之寧也得乎惟有虎賁鷁
冠之賢坐鎮其間則山氛林靄爲之清明俾展
卷而觀者有以知成者之有益也河上逍遙較
乎哉

一增烈義見人品風俗之所由昭而王化德業之
所由成也天地正氣古道乃貴挺挺流品中有
一種浩然出塵之概令貽者歛容起敬則傲弗

續華州志卷之一

五

暇豈非觸發感興乎聞其風者可以思已

一田賦代興之制不侔或有因革損益於其間酌
其可以經久無弊者而立爲取民之濶今依時
制所志不散有泥於古也

一華蒲二屬事跡俱附州志今續志不附者非略
也謂二屬各有續志故不及採

續華州志卷之一

賜進士出身奉直大夫知華州事

蒲坂 馮昌英

同知歙浦羅 斌

判官瀋陽胡觀賓

學正關南張 拱同評

東厓山人劉遇奇續次

補遺有說

志者無不志也將以貽諸來者以備攷也嘗閱舊志叙事載物徵人考行無不悉備作者可云

續華州志卷之一

六

盡詳矣間有人事之缺遺或見聞所不及非搜訪之不力也於是從舊志隆慶以前有所軼事必一一而識其大識其小以補之雖存什一於千百之中敢謂一網之盡乎姑記其說猶有望於後之博雅者再嗣厥續

補地理志歷代攷遺

華州在陶唐氏為華封通紀云堯觀華封華封

有虞氏為豫州之域通鑑云甲子八十一黃

攝政九載分十二州禮云職方氏掌天下之圖乃新九州之國使同

海張士佩燕韓云

夏姒氏為華陰禹貢云導河積石至于龍門南

高子氏為蕃水經注云渭水又東逕鬱都城北

蕃關曰蕃鄭西然則今鬱城是

周姬氏為告平城水經注云渭水又東敷水注

告平城東舊所傳言武王伐紂告太平於此故城得厥名

又為召公所分地公羊傳云自陝以東周公

畢懋康陝西通志序云周分天下自陝而東西之命周公

召公以為也又何以自陝分也

續華州志卷之一 七

九州山河之象存乎兩戒北

戒自三危負地絡之陰東及

太華逾河而北是為北紀南

戒自岷嶓負地絡之陽東及

太華過嶽而南是為南紀

河源起北紀之首江源起南

紀之首至潼關而地絡會於

一則弘農分陝固兩河之會

區也

春秋時可致者十四國 鄭始封地是

又為畿內之國文獻通考云華州周為畿內之

國四書考備云鄭姬姓伯爵

出自周厲王少子友宣王母弟

也宣王二十二年封友於鄭在

榮陽宛陵西南密邇王畿秦京

兆漢華陰之鄭縣是也幽王之

難友寄帑於虢鄭之問因取二

國地前華後河而食焉